



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda, Sev Ritvale Osnabrvdense

Franz Wilhelm <Osnabrück, Bischof>

Coloniæ Agrippinæ

Ordo, servandus feria quinta, sexta, & Sabbatho majoris Hebdomadæ.

urn:nbn:de:hbz:466:1-41233

AD PAROCHVM MONITIO.

Potuissemus quidem, in tuum commodum, hic inserere Benedictiones, Candelarum in Purificationis festo, Cinerum, Palmarum, novi ignis, Cerei Paschalis, fontis sacri in Sabbato sancto, &c. suis certis & statutis temporibus faciendas; sed, ne, cum mole libri, etiam sumptus crescerent, eas consulto omittendas, & te ad Missale Romanum, ubi predicta Benedictiones accurate habentur, transmittendum esse duximus.

O R D O,
SERVANDVS FERIA QVINTA,
SEXTA, ET SABBATO,
MAIORIS HEBDOMADÆ.



Vo ad tria Matutina tenebrarum, quæ pridie post tempus Vespertinum solent haberi, & reliquas Horas Canonicas, seruetur præscriptum Breviarii Romani, sine ulla additione, immutatione, atque demptione.

Pueri, seu alii, fragoris tantum faciendi gratiâ adventantes; ad Ecclesiam (nedum ad Chorum) minime admittantur, immo, si sint, inde expellantur.

Quæ vero circa Missæ sacrificium, reponendum Venerabile Sacramentum, denudanda Altaria, adorationem Crucis, benedictionem Ignis novi, Cerei Paschalis, Fontis Baptismalis, & reliquum Officium antemeridianum, hoc triduo agenda sunt: advertat Sacerdos, ut ea omnia accurate peragat, juxta præscriptum quod sequitur, nec non Missalis Romani; nihil omnino demendo, nihil im-

mutando, nihil addendo. Quocirca meminerit, Feria Quinta hujus majoris Hebdomadae, non duas tantum sed tres consecrare Hostias; unam tunc sumere; secundam pro Ostensorio, quod vulgo Monstrantia dicitur; tertiam vero, in Calice vel alio vase mundo, in crastinum servare: prout hic locorum moris est.

Retinendus etiam sollemnis Ecclesiae mos est, ut, cantato Hymno, Gloria in excelsis &c. ad Missam Ferie Quintae non pulsentur campanae, donec cantetur iterum dictus Hymnus in Sabbato sancto; adhibitis interim crepitaculis, seu ligneo malleo. Deinceps autem per totum Sabbatum sunt pulsandae campanae, non obstante quod Corpus Domini adhuc sit in sepulchro.

Vbi in pluribus Ecclesiis fit Officium, non debent pulsari campanae, antequam audita sint in Ecclesia principaliori loci.

Quandoquidem praesentia Ferie Quintae sacrum Chrisma cum aliis Oleis ab Episcopo solemniter consecratur, ex quibus deinde ad singulas Parochias aliquid transferendum est; meminerit Parochus, ut virum fidum & probatum ad haec sacra Olea petenda, recipienda, & transportanda, tempestive mittat ad Ecclesiam Cathedrallem, si distantia loci id patiatur; sin minus, ad eum locum unde haecenus novum Chrisma peti solebat.

Præterea purget pyxides, easque nitidissime servet, quibus sacra Olea infunduntur, ut ne quid foedi & irreverentiae circa ea committatur: unde saepe, ad eum locum invisendum in quo sacra Olea custodiuntur, veniat, videatque ut munda & composita illic servantur omnia.

Vetus autem Chrisma, & Oleum Catechumenorum ac Infirmorum, si quod remanserit in ampullis, ponatur in lampadibus Ecclesiae, ante SS. Sacramentum, ut comburatur: reliquum autem, quod est in pyxidibus sive capsulis, cum gossypio igni cremetur; & novum deinde cum novo gossypio in pyxidibus sive capsulis imponatur.

Et, quia SS. Eucharistiae Sacramentum hoc ipso die (quo nimi-

rum

rum à Christo Domino noscitur institutum) in aliqua Capella, vel Altari, velis & luminaribus decenter ornato & bene munito, adorandum ac venerandum exponi solet; Parochi cura erit, tempestive monere gregem suum, ut ineffabilem modum divine presentie pie veneretur, nec non de tam salubri tamque suavi beneficio exsolvat Deo debitas gratiarum actiones.

Ordo ponendi SS. Corpus Domini in Sepulchrum.

Feriâ sextâ Parasceves, vel ante, tempestive paratur locus vel Capella pro sepulchro, velis & luminaribus, quantum fieri potest. Et, facta Communione, ardentibus adhuc facibus vel candelis in Choro, pro reverentia Hostie in calice relicte, Celebrans stans, imponit incensum in duo thuribula absque benedictione; incensat tunc Venerabile Sacramentum genuflexus: interim ordinatur lugubris processio; præcedit Crux; quam immediate sequitur Clerus, more solito, luminaria ferens; ultimo loco Sacerdos, casulâ nigrâ indutus ut supra, calicem coopertum velo albo manibus gestans, cum ministris sub baldachino seu umbella incedens; Choro interim cantante sequens Responsorium; thurificantibus continuo duobus Thuriferariis, vel uno saltem in minoribus Ecclesiis; adhibito quoque malleo ligneo, cymbali loco.

Responsorium.



E ces fit pastor no ster,

fons